

trieben werde/ Auch wider die kalte wütende Gicht
nützlich vnd behülfflich/ offtmals befunden.

Das Zwölffte Capitel.
Von Osterlucy.



Dieser
Wurzel wil
ich abermal
ein lang ge
schwert machen/ ist
bei vns fast gemein
vñ wol bekant/ fürs
nemlich den Pferd
Arzten/ So ist es
auch warlich nicht
ein gering Simpler
dem menschen/ bei
de innerlich vñnd
eusserlich zu gebrau
chen / diß laß ich
die erfahrenen Meis
ter iudiciern / wirt
inn Dioscord. lib.
3. Cap. 4. Mas
scula oder Dactylis

tis genannt / vñnd hatt auch vast den Namen von
dem Griechischen Wörlein Aristolochia/ Holwurtz
genannt. Also sind es zwey Geschlecht / eine rund/
die ander lang/ das ist dise / da ich von schreibe / bey
dem gemeinen Mann Osterlucy genannt/ in Teuts
scher Nation. Diese lange Holwurtz oder Osterlus
cey hat rechte Eppichen bletter / liecht grün / eines

Experiment von xx

stärcken geruchs/die wurzel gelb/eines fingers dick
vngeschnitten/mit vil zäseln vnd vil zweyglin/daran
wachsen Bleyche weisse blümen. Dese Osterlucy wirt
auch von etlichen Biberwurtz genant / nicht ohn
vrsach/des sie gewislich dienet für das Biber. Von
der runden Holwurtz / die man auch malum terre/
oder Erzaticum malum nennet / wil ich hie nichts
sonderlichs schreiben / die wirt hochgelobt bey den
Seestetten vnd Schiffleuten/gebrauchen dieselbigē
des morgens mit gebrantem wein / für die faulstins
ckende Seelufft/Bewart sie vor dem Schorbock/ ein
Franchheit also genant / an den Wasserstetten / ge
mein. Dese Holwurtz seind beyde truckner vnd wars
mer natur vnnnd eigentschafft/benemen alle feulung
vnd putredines/reinigen vnd erfrischen.

Wiewol ich von der Osterlucy bey den alten Scri
benten nichts sonderlichs finde/ das sie wider pestis
lentz vnnnd Giffz zu gebrauchen sey / So kan ich dens
noch nicht verhalten/ was ich von andern hochbes
rhäupten Meistern gesehen vnd erfahren habe/ in
disen leufften/also wie folget/darumb ich dese Osters
lucy bey meine pestilentz wurzel gesetzt.

Osterlucy ein nacht inn Esig gebeißt/vnnnd ein
stücklin im mund gerragen / Oder die wurzel inn
Wein gesotten / des weins morgens nüchtern drey
oder vier löffel voll eingetrucken/Bewart den mens
chen für der faulen giffrigen lufft inn der zeit der
pestilentz.

Trem/Osterlucy wurzel gepüluert / sol vn mag
sehr dienstlich in die Curatura pestis gebraucht wer
den / treibt trefflich durch den Schweyß allerhandt
Giffz auß.

Ein Curatium inn den nöhten mach also/Vn:b
Osterlucy wurzel 1 Loth/Rohren Myrthen 1 loth/
Bibergeyl 1 quintlin / Disß laß sieden mit weissem
wein/

weir
trum
von
Di
ten v
burt
alie
allei
reim
es ge
W
gel i
so G
dern
dern
nigh

3

5

Ich
muß
bera
gistr
ich f
vnd
nem
heff
geri
sich
Es

wein / vnnnd halb Eßig / trinck daruon einen guten
trunck warm/vnd schwitz darmit/ du würest genesen
von der Pestilenz/so es Gott gefellig ist.

Diser tranck ist ein vberausß gürt Arzney den erkalt
ten vnreinen Weibern / die reiniget sie nach der ges
burt/treibt auß allen vnraht. Es wer gürt/vnd ohn
alie gefahr/das die Kindbetterinnen in den woche/
allein von diser wurzel trincken/würd ihnen grosse
reinigung bringen. Ich hab derselbigen gesehen/die
es gethan haben/vnd ihn sehr wol bekommen.

Was ich aber gürts gethan mit Osterlucey wur
zel inn der Wundartzney/das wil ich hernachmals/
so Gott der Allmechtig gnade verleihet / in ein ans
dern Büchlein weitläufftiger anzeygen / neben ans
dern meinen Experimenten / inn der Facultet mens
niglichen dienstlich.

Das Dreyzehend Capitel.

Von den Pastemen Kreuttern.

HJe find ich abermal ein grossen Spann vnd
zwispalt/von den Pastemen Kreuttern/ Dars
zu wir wol eines güten Richters bedürfften.
Ich weiß aber hie nichts Bessers : denn erfahrung
muß hie / vnd inn allen Mèyster sein / nach dem ve
berausß alten sprichwort/Experientia est rerum ma
gistra. Ich muß aber eines bekennen vnd sagen/das
ich für meine person/vil wasserbrenner/Distillierer/
vnd Apoteker gesehen vñ erkannt habe/welche/fürs
nemlich in disen Pastemen Kreuttern/ vnd in andern
hefftig irren vnnnd zwispaltig sein/inn so öffentliche
geringen dingen / das doch ohn noht wer / wen sie
sich sonst wolten lehren vnnnd vnderrichten lassen.
Es seind aber etliche vnder iuen auffsetzige / grobe/